

Bosna i Hercegovina
Federacija Bosne i Hercegovine

KANTON SARAJEVO

**Ministarstvo komunalne privrede,
infrastrukture, prostornog uređenja,
građenja i zaštite okoliša**

Bosnia and Herzegovina
Federation of Bosnia and Herzegovina

Босна и Херцеговина
Федерација Босне и Херцеговине

КАНТОН САРАЈЕВО

**Министарство комуналне привреде,
инфраструктуре, просторног уређења,
грађења и заштите околиша**

CANTON SARAJEVO
**Ministry of Communal Economy, Infrastructure,
Physical Planning Construction and
Environmental Protection**

Na osnovu Sporazuma o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", broj 05-11-2504/21 od 15.06.2021. godine,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo raspisuje

JAVNI POZIV

Za izbor korisnika subvencioniranja troškova izgradnje novih priključaka stambenih objekata na distributivnu gasnu mrežu

I PREDMET JAVNOG POZIVA

Predmet Javnog poziva je prikupljanje zahtjeva i utvrđivanje rang liste za subvencioniranje troškova izgradnje novih priključaka stambenih objekata na distributivnu gasnu mrežu.

II USLOVI ZA SUBVENCIONIRANJE TROŠKOVA IZGRADNJE NOVIH PRIKLJUČAKA

1. Planirana je izgradnja novih priključaka za gas za:

- a) Individualne objekte,
- a) Stambene jedinice u objektima kolektivnog stanovanja gdje postoji priključak za gas,
- b) Stambene jedinice u objektima kolektivnog stanovanja gdje ne postoji priključak za gas.

Zainteresovani korisnici iz tačke 1. pod a) i b) moraju ispunjavati slijedeće uslove:

- a) Da posjeduju Informaciju o mogućnosti priključenja sa predmjerom materijala i radova koja je izdata do dana objavljivanja javnog poziva ili zahtjevi za informaciju o mogućnosti priključenja koji su predati do dana objavljivanja javnog poziva.
- a) Da posjeduju ovjeren Projekat unutrašnje gasne instalacije (ukoliko je Energetska saglasnost starija od dvanaest (12) mjeseci istu je potrebno produžiti),
- b) Da posjeduju ovjeren Zapisnik o završetku izvođenja radova na postavljanju unutrašnje gasne instalacije i uređaja.



web: <http://mki.ks.gov.ba>

e-mail: mki@mki.ks.gov.ba

Tel: + 387 (0) 33 562-086,

Fax:+ 387 (0) 33 562-177

Sarajevo, Reisa Džemaludina Čauševića 1



Zainteresovani korisnici iz tačke 1. pod c) moraju ispunjavati slijedeće uslove:

- Da posjeduju ovjeren Zapisnik svih etažnih vlasnika da će koristiti prirodni gas,
- a) Da posjeduju Informaciju o mogućnosti priključenja sa predmjerom materijala i radova,
 - b) Da posjeduju ovjeren Projekat unutrašnjih gasnih instalacija,
 - c) Da posjeduju Dozvolu za upotrebu objekta izdatu od strane nadležnog organa najkasnije do dana objavljivanja Javnog poziva.

III KRITERIJI ZA BODOVANJE

Kriteriji za određivanje broja bodova i utvrđivanje reda prvenstva korisnika subvencije na rang listi su:

- Nosilac domaćinstva koji je korisnik subvencije troškova grijanja na čvrsta goriva (za sezonu grijanja 2020/2021), na osnovu Uredbe o subvencioniranju troškova grijanja (Službene novine Kantona Sarajevo, br. 4/05, 7/08, 37/13 i 51/14) 20 bodova
- 1. Samohrani roditelj 15 bodova
 - 2. Osobe sa invaliditetom 15 bodova
 - 3. Domaćinstva sa djetetom sa posebnim potrebama 15 bodova
 - 4. Nosilac domaćinstva - nezaposlena osoba 15 bodova
 - 5. Nosilac domaćinstva – penzioner 15 bodova
 - 6. Svi ostali nosioci domaćinstva koji ispunjavaju opće uslove 5 bodova

IV DOKUMENTACIJA UZ ZAHTJEV ZA JAVNI POZIV

Kandidati su dužni, uz zahtjev koji sadrži adresu stanovanja i kontakt telefon, dostaviti uredne dokaze da ispunjavaju uslove iz tačke II Javnog poziva i dokaze za utvrđivanje broja bodova po kriterijima iz tačke III Javnog poziva, i to:

Za izgradnju novih priključaka za gas za korisnike iz poglavlja II tačka 1. pod a) i b):

- a) Informacija o mogućnosti priključenja izdata od strane KJKP "Sarajevogas" d.o.o. Sarajevo u originalu ili ovjerenoj kopiji, ne starija od dvanaest (12) mjeseci, a ukoliko je Informacija starija od dvanaest (12) mjeseci istu je potrebno produžiti,
- a) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenoj kopiji,
- b) Zapisnik o završetku izvođenja radova na postavljanju unutrašnje gasne instalacije i uređaja sačinjena od strane izvođača gasnih instalacija iz Registra ugovornih izvođača KJKP "Sarajevogasa" d.o.o. u originalu ili ovjerenoj kopiji.

Za izgradnju novih priključaka za gas za korisnike iz poglavlja II tačka 1. pod c):

- a) Zapisnik sa izjavom svih etažnih vlasnika da će koristiti prirodni gas ovjeren u Općini ili kod notara,
- a) Informacija o mogućnosti priključenja izdata od strane KJKP "Sarajevogas" d.o.o. Sarajevo, u originalu ili ovjerenoj kopiji, ne starija od dvanaest (12) mjeseci,
- b) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenoj kopiji,



web: <http://mki.ks.gov.ba>

e-mail: mki@mki.ks.gov.ba

Tel: + 387 (0) 33 562-086,

Fax:+ 387 (0) 33 562-177

Sarajevo, Reisa Džemaludina Čauševića 1



- c) Dozvolu za upotrebu objekta u originalu ili ovjerenoj kopiji.

Za utvrđivanje broja bodova po kriterijima iz tačke III:

- a) Rješenje o subvencioniranju troškova grijanja (za sezonu grijanja 2020/2021, samo za ona domaćinstva čiji je nosilac korisnik subvencije troškova grijanja na čvrsta goriva na osnovu Uredbe o subvencioniranju troškova grijanja) u originalu ili ovjerenoj kopiji,
- a) Kućna lista kao dokaz da je kandidat samohrani roditelj u originalu ili ovjerenoj kopiji, ne starija od trideset (30) dana,
- b) Rješenje o invalidnosti kao dokaz da je kandidat osoba sa invaliditetom u originalu ili ovjerenoj kopiji, ne starije od trideset (30) dana,
- c) Ček od penzije kao dokaz da je nosioc domaćinstva penzioner u originalu ili ovjerenoj kopiji, ne stariji od trideset (30) dana,
- d) Potvrda od Biroa za zapošljavanje kao dokaz da je nosilac domaćinstva nezaposlena osoba, u originalu ili ovjerenoj kopiji, ne starija od trideset (30) dana,
- e) Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u originalu ili ovjerenoj kopiji.

Maksimalan iznos subvencioniranja troškova izgradnje novih priključaka po stambenoj jedinici je 1.000 KM bez PDV.

Troškovi izgradnje gasnog priključka uključuju:

- Materijal i radove potrebne za izgradnju priključka i
- Nabavku i ugradnju regulaciono-mjernog seta (RMS-a)

U slučaju da su navedeni troškovi veći od 1.000 KM bez PDV (veća udaljenost objekta za priključenje od distributivne gasne mreže, prokopi javne površine, itd.) kandidat za subvenciju treba da priloži Izjavu da je saglasan da će finansirati razliku za navedene troškove kako bi mogao dobiti subvenciju.

U slučaju da je za izgradnju priključka objekta potreban prokop javne površine potrebno je da kandidat za subvenciju pribavi i dostavi Odobrenje za prokop javne površine.

Kandidat ima pravo na subvenciju troškova priključka jednog regulaciono-mjernog seta po stambenoj jedinici koja je u njegovom vlasništvu.

Sredstva za subvencioniranje troškova izgradnje novih priključaka su ograničena, a predviđena su u Budžetu Kantona Sarajeva.

Prednost za subvencioniranje ima kandidat sa većim brojem bodova na javnom pozivu. U slučaju istog broja bodova prednost ima kandidat koji Projektom unutrašnje gasne instalacije ima veću ukupnu snagu gasnih aparata (Energetska saglasnost).

Zahtjevi se dostavljaju putem pošte ili na protokol KJKP "Sarajevogas" d.o.o. Sarajevo, na adresu: Trg Fadile Odžaković Žute broj 4, Sarajevo. Na kovertu posebno staviti oznaku "Prijava na Javni poziv za izbor korisnika subvencije troškova izgradnje novih priključaka – NE OTVARATI".

Javni poziv ostaje otvoren trideset (30) dana od dana objavljivanja.

Javni poziv će biti objavljen u dnevnom listu Dnevni Avaz, te na web stranici Kantona Sarajevo.



Zahtjeve koji su neblagovremeni i koji ne ispunjavaju uslove iz tačke II i tačke IV Javnog poziva, Komisija će odbaciti kao neuredne.

Nacrt rang liste Komisija objavljuje na oglasnoj ploči Kantona Sarajevo i web stranici Kantona Sarajevo. Na Nacrt rang liste kandidat može Komisiji uložiti prigovor uz odgovarajući dokaz u roku od sedam (7) dana od dana objavljanja.

Komisija razmatra prigovor, nakon čega informiše podnositelja prigovora o donesenoj odluci po prigovoru i utvrđuje Prijedlog rang liste koji se dostavlja ministru. Konačnu rang listu Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i objavljuje na oglasnoj ploči Kantona Sarajevo i web stranici Kantona Sarajevo.

MINISTAR

Enver Hadžiahmetović, dipl. ing. maš.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax:+ 387 (0) 33 562-177
Sarajevo, Reisa Džemaludina Čauševića 1

